



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-I/25-3-40-322-5/21**  
Datum: **10.11.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica „SUDO-LUKA“ d.o.o. Velika Kladuša, za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u naselju Mala Lisa, grad Cazin, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

### **RJEŠENJE** **o vodnoj dozvoli**

1. Daje se vodna dozvola pravnom licu „SUDO-LUKA“ d.o.o. Velika Kladuša, za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, lociranog u naselju Mala Lisa, izgrađenog na zemljištu označenom kao k.č. broj 2005/15, K.O. Čoralići (podaci novog premjera), odnosno k.č. broj: 890/33 K.O. Cazin (podaci starog premjera), grad Cazin.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
  - 3.1. Da korisnik predmetnog objekta benzinske pumpne stanice sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
  - 3.2. Da korisnik predmetnog objekta, za vrijeme trajanja ovog rješenja, pribavi od strane operatora kanalizacionog sistema saglasnost/odobrenje za ispuštanje onečišćenih oborinskih voda u kolektor gradske kanalizacije, imajući u vidu da je ugrađen separator ulja i masti kapaciteta 3,2 l/s (projektnom dokumentacijom predviđeno 15 l/s), što nije u skladu sa tačkom 9. Rješenja o dozvoli priključenja na sistem odvodnje i prečišćavanja otpadnih voda, izdanim od strane JKP „VODOVOD“ d.o.o. Cazin, broj: 09 – 000045/18, dana 09.01.2018. godine, u Czinu.
  - 3.3. Skladištenje nafte i naftnih derivata vršiti u podzemnom dvoplašnom rezervoaru, sa sistemom automatske dojava o procurenju međuplašnog prostora, kapaciteta 100 m<sup>3</sup>.
  - 3.4. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
  - 3.5. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent – kolektor gradske kanalizacione mreže, a prema uvjetima operatora.
  - 3.6. Prečišćene oborinske i tehnološke onečišćene vode moraju ostati u maksimalno dopuštenim granicama definiranim članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
  - 3.7. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema

sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.

- 3.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
  - 3.9. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačke 13. i 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada..
  5. U periodu važenja ove dozvole, korisnik „SUDO-LUKA“ d.o.o. Velika Kladuša je dužan provoditi sve mjere i aktivnosti propisane istom.
  6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
  7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
  8. Ova vodna dozvola, shodno članu 26. stav (1) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 ) se daje sa rokom važenja do **19.12.2023.** godine.
  9. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
  10. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.

### **O b r a z l o ž e n j e**

Pravno lice, „SUDO-LUKA“ d.o.o. Velika Kladuša, obratilo se ovoj Agenciji dana 19.07.2021. godine sa zahtjevom za izdavanje vodne dozvole za ispuštanje oborinskih onečišćenih voda, izgrađenog u naselju Mala Lisa, izgrađenog na zemljištu označenom kao k.č. broj 2005/15, K.O. Čoralići (podaci novog premjera), odnosno k.č. broj: 890/33 K.O. Cazin (podaci starog premjera) grad Cazin.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o izmjenama podataka; izdano dana 03.02.2021. godine, od strane Općinskog suda u Bihaću pod brojem 017-0-Reg-21-000074,
- Ovjerena kopija Uvjerenja o poreznoj registraciji, izdano dana 24.02.2012. godine, od strane Federalnog ministarstva finansija, Porezne uprave Federacije BiH – Kantonalni porezni ured BIHAĆ,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-17-1-35-201-18/12, izdano od strane Uprave za indirektno – neizravno oporezivanje Banjaluka dana 05.04.2012. godine,
- Kopija Lokacijske informacije za izgradnju poslovnog objekta-benzinska pumpa sa pratećim sadržajem; izdana od strane Službe za urbanizam i zaštitu okoliša općine Cazin po brojem 04-23-1194/15 dana 23.05.2016. godine, sa položajnom skicom od 05.06.2015. godine,

- Kopija Kopije katastarskog plana, Katastarska općina: Čoralići. Broj plana: 11; izdana od strane Službe za imovinsko-pravne, geodetske i katastarske poslove općine Cazin, UR BROJ: 05-30-6104/2017-1, dana 24.04.2017. godine,
- Kopija uplatnice upravne pristojbe,
- Kopija Rješenja o vodnoj dozvoli, izdano od strane Agencije za vodno područje rijeke Save pod brojem UP-I/25-3-40-794-8/17 dana 09.04.2018. godine,
- Kopija rješenja o vodnoj dozvoli, kojim se podnosiocau zahtjeva, d.o.o. SUDO-LUKA „Velika Kladuša“, daje vodna dozvola za zahvatanje vode do 10 l/s putem javnog vodovodnog sistema i ispuštanje sanitarnih otpadnih voda putem javnog kanalizacionog sistema, za poslovni objekat – benzinsku pumpu sa pratećim sadržajima, u naselju Mala Lisa – Grad Cazin, na zemljištu označenom kao k.č. broj: 2005/15, k.o. Čoralići (novi premjer); izdano od strane Službe za urbanizam i zaštitu okoliša grada Cazina pod brojem 04-25-826/18, dana 28.02.2018. godine, u Cazinu,
- Kopija rješenja, kojim se izdaje okolišna dozvola operatoru „SUDO-LUKA“ d.o.o. Velika Kladuša, za poslovni objekat benzinske pumpe na lokaciji Lojička bb, općina Cazin, na zemljištu označenom kao k.č. broj 2005/15 i 2005/16, K.O. Čoralići, kapaciteta 100 m<sup>3</sup>, izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-23-1335-UP-1/2016 dana 28.04.2016. godine, u Bihaću,
- Kopija Rješenja, kojim se investitoru doo „SUDO-LUKA“ Velika Kladuša iz Velike Kladuše, daje odobrenje za izgradnju poslovnog objekta – benzinska pumpa sa pratećim sadržajima, u naselju Mala Lisa, Cazin; izdano od strane Službe za urbanizam i zaštitu okoliša grada Cazina pod brojem 04-23-3823/16, dana 18.08.2017. godine, u Cazinu,
- Kopija Rješenja, kojim se investitoru doo „SUDO-LUKA“ Velika Kladuša iz Velike Kladuše, daje upotrebna dozvola za izvedene radove na poslovnom objektu – benzinska pumpa sa pratećim sadržajima, u naselju Mala Lisa, Cazin; izdano od strane Službe za urbanizam i zaštitu okoliša grada Cazina pod brojem 04-23-804/2018, dana 20.04.2018. godine, u Cazinu,
- Kopija Ugovora o pružanju/korištenju usluge odvodnje otpadnih voda, zaključen sa JKP „Vodovod“ d.o.o. Cazin pod brojem 10-4-01/18, dana 10.01.2018. godine,
- Kopija Rješenja o dozvoli priključenja na sistem odvodnje i prečišćavanja otpadnih voda, izdano od strane JKP „VODOVOD“ d.o.o. Cazin pod brojem 09-000045/18, dana 09.01.2018. godine, u Cazinu,
- Radovi na čišćenju separatora i septičkih jama i odvozu otpadnog mulja i taloga (tretman otpadnih voda) iz separatora i septičkih jama sa lokacije Naručioća; povjereni su ovlaštenom pravnom licu ugovorom zaključenim sa „DELTA PETROL“ d.o.o. Kakanj dana 10.01.2018. godine,
- Kopija Izvještaja o monitoringu kvaliteta i kvantiteta otpadnih voda benzinske pumpe „Sudo-Luka“ Velika Kladuša –PJ Cazin, urađen od strane „Inspekt-RGH“ d.o.o. Sarajevo pod brojem: 892/21 od 17.05.2021. godine,
- Kopija prateće dokumentacije za ugrađeni separator ulja i masti, tipa MES 2300, proizvođača ENERGOMONT d.o.o. Bosanska Krupa, na uvid,
- Glavni projekt instalacija vodovoda i kanalizacije; urađen od strane Poduzeća za kontrolu i inženjering ZAGREBINSPEKT d.o.o. Mostar pod brojem: 01-15-68-II/16, veljače 2015. godine, u Mostaru (vraćen pri uviđaju na objektu), na uvid,
- Zaključak o visini i roku za plaćanje posebnih troškova u postupku izdavanja vodnog akta; izdan od strane Agencije za vodno područje rijeke Save pod brojem UP-I/25-3-40-322-2/21, dana 16.08.2021. godine te kopija uplatnice troškova.
- Dinamički plan sa financijskom procjenom i rokovima izvođenja radova na zamjeni separatora ulja i masti prema tehničkoj dokumentaciji na osnovu koje su izdata Rješenja o građenju, i upotrebna dozvola, urađen dana 29.10.2021. godine pod brojem 1/2019.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršio je pregled izgrađenog poslovnog

objekta benzinske pumpne stanice sa pratećim sadržajima i tom prilikom je sačinjen zapisnik o uviđaju broj: UP-I/25-3-40-322-3/18 od 15.09.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni objekt benzinske pumpne stanice sa pratećim sadržajima „SUDO-LUKA“ d.o.o. Velika Kladuša, je izgrađen sa desne strane magistralne ceste Cazin Srbaljani – GP Maljevac, u naselju Mala Lisa, grad Cazin.

Objekat se sastoji od nadstrešnice iznad aparata za istakanje goriva sa maloprodajnim mjestom, sanitarnim i upravnim prostorijama, kafe bara, spremnika za gorivo, separatora, internih saobraćajnih i parkirnih površina te zelenila.

Gorivo se dovozi autocisternama i pretače u ukopani dvoplašni spremnik, kapaciteta 100 m<sup>3</sup>. Sanitarne otpadne vode iz maloprodajnog objekta i kafe bara su kanalizacionim cijevima sprovedene do priključka na kolektor gradske kanalizacije. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom na kolektor gradske kanalizacije. Oborinske vode sa manipulativnih i pretakališnih površina, koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka slivnicima i linijskim slivnim rešetkama te cijevnim sistemom odvođe do separatora ulja i masti, čiji preliv je priključen na kolektor gradske kanalizacije. Ugrađen je potkapacitiran separator od **3,2 l/s**, umjesto predviđenog separatora kapaciteta **15 l/s**.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su tačkom 3 ove vodne dozvole propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. i 15. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07). Na osnovu provedenog postupka konstatuje se da je podnosilac zahtjeva, „SUDO-LUKA“ d.o.o. Velika Kladuša, ispunio minimum uslova za izdavanje vodne dozvole za objekat bezinske pumpe izgrađen u u naselju Mala Lisa, grad Cazin, te je rješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13 ).

### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Fuad Mujagić, dipl. inž.

**Po ovlaštenju**

**Rukovodilac sektora za izdavanje vodnih akata**

  
**Haris Ališehović, dipl. inž. građ.**

Dostaviti:

- „SUDO-LUKA“ d.o.o. Velika Kladuša, 1. marta bb, 77 230 Velika Kladuša,
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava